



Centre for Alternative Technology
Canolfan y Dechnoleg Amgen



Gwahoddiad i ddatgan diddordeb mewn dod yn Ymddiriedolwr Canolfan y Dechnoleg Amgen (CAT) - 2023


Gwybodaeth ar gyfer Darpar Ymddiriedolwyr 2023

Gwybodaeth gefndir am Ganolfan y Dechnoleg Amgen a'i Bwrdd

Mae Canolfan y Dechnoleg Amgen (CAT) yn elusen addysgol sy'n ymroddedig i ymchwilio a chyfleu atebion cadarnhaol ar gyfer newid amgylcheddol. Ei chenhadaeth yw ysbrydoli, hysbysu a galluogi pobl i ymateb i'r argyfwng hinsawdd a bioamrywiaeth. Wedi'i lleoli yng Nghanolbarth Cymru, mae gan y Ganolfan gylch gorchwyl ar draws y DU o ran ei gweledigaeth ar gyfer Prydain Carbon Sero. I gael rhagor o wybodaeth am hanes, uchelgais a gweithgareddau'r Ganolfan, gweler cy.cat.org.uk

Ar hyn o bryd, mae'r Bwrdd yn cynnwys 10 o ymddiriedolwyr y gellir gweld eu proffiliau byr yn cat.org.uk/about-us/people/





Rôl ymddiriedolwyr (cyffredinol)

Ymddiriedolwyr Elusennol yw'r bobl sy'n rhannu'r cyfrifoldeb yn y pen draw am lywodraethu elusen a chyfarwyddo sut y caiff ei rheoli a'i rhedeg.

Mae canllawiau cyffredinol yn esbonio beth y mae bod yn ymddiriedolwr yn ei olygu a phwy sy'n gymwys i fod yn ymddiriedolwr i'w cael yn nogfen y Comisiwn Elusennau Yr ymddiriedolwr hanfodol: beth mae angen i chi ei wybod, beth mae angen i chi ei wneud https://assets.publishing.service.gov.uk/government/uploads/system/uploads/attachment_data/file/866949/CC3_Welsh_feb20.pdf

Pwrpas y Bwrdd

Mae'r Bwrdd Ymddiriedolwyr yn gyfrifol am lywodraethu a chyfeiriad strategol yr elusen yn gyffredinol, gan ddatblygu nodau ac amcanion y sefydliad, yn unol â'r ddogfen lywodraethu, a chanllawiau cyfreithiol a rheoleiddiol.

Yn benodol, mae ymddiriedolwyr Canolfan y Dechnoleg Amgen yn gyfrifol am y canlynol:

- Sicrhau bod y Ganolfan a'i chynrychiolwyr yn gweithredu o fewn fframwaith cyfreithiol a rheoleiddiol y sector ac yn unol â'i dogfen lywodraethu, gan ymdrechu'n barhaus am yr arfer gorau o ran llywodraethu.

- Cynnal rhwymedigaeth y Ganolfan i weithredu er budd gorau ei buddiolwyr, ac i weithredu mewn modd sy'n ychwanegu at hyder ac ymddiriedaeth y cyhoedd yn y Ganolfan.
- Pennu cyfeiriad a datblygiad cyffredinol y Ganolfan drwy lywodraethu da a chynllunio strategol clir.

Rôl strategol, yn bennaf sydd gan Ymddiriedolwyr, a chyfrifoldebau penodol fel y nodir gan y Comisiwn Elusennau a'r Ddeddf Cwmnïau. Mae disgwyl iddynt fynychu cyfarfodydd chwarterol y Bwrdd (bydd o leiaf ddau gyfarfod y flwyddyn yn rhai wyneb yn wyneb) a chyfrannu at o leiaf un o ddau bwyllgor y Bwrdd: AFPC (Y Pwyllgor Archwilio, Cyllid a Pherfformiad) ac ODC (Pwyllgor Datblygu'r Sefydliad). Bydd Ymddiriedolwyr hefyd yn cymryd rhan mewn trafodaethau rhwng cyfarfodydd, a gwahoddir hwy i amrywiaeth o ddigwyddiadau. Mae cyfanswm cyfraniad o oddeutu 12 i 15 diwrnod y flwyddyn yn arferol. Mae disgrifiad mwy manwl o'r rôl wedi'i gynnwys fel atodiad i'r ddogfen hon.

Mae'n ofynnol i bob ymddiriedolwr lofnodi a glynu wrth God Ymddygiad Ymddiriedolwyr Canolfan y Dechnoleg Amgen.

Mae'r penodiad am gyfnod o dair blynedd, gyda'r posibilrwydd o'i adnewyddu.



Am beth ydyn ni'n chwilio - galw am alluoedd penodol ar hyn o bryd

Mae Canolfan y Dechnoleg Amgen wedi cyrraedd man cyffrous yn ei datblygiad, gan ei bod ar flaen y gad yng nghyswllt mater penodol – newid yn yr hinsawdd – sydd bellach yn y penawdau bob dydd. Wedi sicrhau grant mawr i ehangu ei gwaith ar y pwnc hwn, a chyda chynlluniau uchelgeisiol i gynyddu ei gwaith, mae Canolfan y Dechnoleg Amgen mewn sefyllfa dda i gael gafael ar ffynonellau cyllid pellach ac i gynyddu'n sylweddol amrediad ac amrywiaeth ei chynulleidfaoedd.

Mae'r Bwrdd yn chwilio am bobl sy'n rhannu brwdfrydedd tuag at genhadaeth y Ganolfan ac yn awyddus i gyfrannu eu sgiliau fel rhan o'r tîm. Rydym yn croesawu ymgeiswyr gyda phrofiad yn y sector preifat, cyhoeddus neu elusennau. Ar y pwynt hwn yn natblygiad y Ganolfan, byddai arbenigedd yn un o'r meysydd canlynol yn arbennig o fuddiol:

- Sgiliau digidol (diogelu data/seiberddiogelwch a strategaeth ddigidol)
- Addysg a strategaeth addysg
- Codi arian

Datganiad ar fod yn agored, cyfle cyfartal ac amrywiaeth wrth ddewis ymddiriedolwyr

Mae Bwrdd y Ganolfan yn ceisio sicrhau bod yr elusen yn dilyn egwyddorion cydraddoldeb ac amrywiaeth ac yn annog cyfranogaeth gynhwysol a hygyrch. Mae'r Ganolfan yn gwerthfawrogi amrywiaeth yn yr ystyr ehangaf, ac yn ystyried hyn yn hanfodol ar gyfer y Bwrdd er mwyn parhau'n wybodus ac yn ymatebol ac i lywio'r newidiadau cyflym a chymhleth sy'n wynebu'r sector gwirfoddol. Mae'r Ganolfan yn sylweddoli bod ymddiriedolwyr o wahanol gefndiroedd, gydag amrywiaeth o brofiadau a safbwyntiau yn fwy tebygol o annog trafodaeth a gwneud penderfyniadau gwell.

I helpu i gydbwysu aelodaeth bresennol y Bwrdd, rydym yn chwilio am unigolion a all ddangos y galluoedd perthnasol ac ymwneud/diddordeb gweithredol yn y sector, a byddem yn croesawu'n

arbennig ddatganiadau o ddiddordeb gan ymgeiswyr iau, siaradwyr Cymraeg a/neu unigolion o gefndiroedd ethnig lleiafrifol.

Datganiad ar dreuliau

Mae'r rôl yn un gwbl wirfoddol a di-dâl. Fodd bynnag, rydym yn cydnabod fod costau ynghlwm â theithio ar gyfer cyfarfodydd y Bwrdd a digwyddiadau'n gyffredinol. Nid ydym eisiau i hyn fod yn rhwystri i ddarpar ymddiriedolwyr. Caiff aelodau'r Bwrdd eu hannog, yn unol a gweithdrefnau a phrosesau ariannol y Ganolfan, i hawlio costau eu treuliau rhesymol ac angenrheidiol a wariwyd yn gyfreithlon tra'n gweithredu ar ran yr elusen. Nid yw taliadau treuliau o'r fath gyfystyr â budd ymddiriedolwyr. Yn naturiol, mae'r Ganolfan hefyd yn disgwyl ac yn annog aelodau'r Bwrdd i ddefnyddio trafndiaeth gyhoeddus lle bynnag y bo'n bosibl a/neu i rannu lifft.

Sut i nodi eich diddordeb

I ddatgan diddordeb mewn dod yn ymddiriedolwr, ar ôl ystyried yr wybodaeth a nodwyd yma, anfonwch eich CV ynghyd a llythyr eglurhaol byr at Theresa Lober (theresa.lobor@cat.org.uk), ymddiriedolwr yng Nghanolfan y Dechnoleg Amgen. Neu, os byddai'n well gennych drafodaeth anffurfiol gychwynnol ynghylch beth y mae'r rôl yn ei olygu, cysylltwch â Theresa fel y nodir uchod, a bydd hi'n trefnu i chi gysylltu â'r Cadeirydd neu aelod arall o'r Bwrdd. Yn yr un modd, os oes gennych chi ddiddordeb yn y cyfle hwn, ond ddim yn sicr a yw'n addas ar eich cyfer, cysylltwch â Theresa, a fydd yn trefnu i chi gysylltu ag aelod o'r Bwrdd i gael sgwrs anffurfiol.

Sut fydd y dewis yn cael ei wneud?

Bydd grŵp recriwtio bychan o blith aelodau'r Bwrdd yn symud ymlaen â chamau cyntaf y broses hon cyn y rhoddir cymeradwyaeth gan y Bwrdd llawn i'r unigolion a argymhellir. Bydd yr is-grŵp yn adolygu datganiadau o ddiddordeb a dderbyniwyd erbyn y dyddiad cau yn erbyn set o feini prawf y cytunwyd arnynt, er mwyn llunio rhestr fer o ddarpar ymddiriedolwyr. Bydd y rhai a roddwyd ar y rhestr fer yn cael gwahoddiad i gyfarfod dethol gyda grŵp recriwtio'r Bwrdd. Nod hyn yw rhoi cyfle i ddarpar ymddiriedolwyr ofyn cwestiynau ac asesu a fyddai'r rôl yn addas ar eu cyfer, yn ogystal ag i ymddiriedolwyr presennol edrych i ba raddau y byddai proffil pob person yn cyd-fynd ag anghenion y Bwrdd ar hyn o bryd.



Preifatrwydd

Mae'r Hysbysiad Preifatrwydd ar wefan Canolfan y Dechnoleg Amgen <https://www.cat.org.uk/privacy-notice/> yn esbonio pa wybodaeth bersonol sy'n cael ei chasglu, pam ei bod yn cael ei chasglu, a sut y caiff ei defnyddio. Mae'r Ganolfan yn cymryd ei chyfrifoldebau yng nghyswllt preifatrwydd personol yn ddifrifol. Os oes gennych unrhyw sylwadau neu gwestiynau pellach ynghylch y mater hwn, rhwch wybod i ni, os gwelwch yn dda.

Dyddiadau pwysig

- Y dyddiad cau ar gyfer derbyn datganiadau o ddiddordeb mewn dod yn ymddiriedolwr yw 10 Ebrill 2023.
- Efallai y byddwn yn rhedeg ail broses recriwtio ymddiriedolwyr yn ystod hydref 2023. Os oes gennych chi ddiddordeb mewn gwneud cais, cysylltwch â ni nawr.
- Bydd y cyfweiliadau'n cael eu cynnal yn rhithiol.



Ymddiriedolwr CAT

Amlinelliad o'r rôl - 2023

Rôl Ymddiriedolwr CAT

Mae gwefan Canolfan y Dechnoleg Amgen yn nodi amrediad o wybodaeth gefndir am y sefydliad, ei phobl a'i huchelgeisiau. Caiff gwybodaeth ar gyfer Ymddiriedolwyr CAT hefyd ei darparu a'i diwedddaru drwy friff y drefn recriwtio a'r cynefino pan gaiff pob un ei benodi, ym mholisiau a phapurau Bwrdd CAT, a thrwy gyfarfodydd a chyflwyniadau aml gan staff.

Rôl y Bwrdd

Bwrdd yr Ymddiriedolwyr yw bwrdd llywodraethol yr elusen a ganddo mae'r awdurdod terfynol a'r cyfrifoldeb i ddal yr elusen 'dan ymddiried' ar gyfer buddiolwyr presennol a buddiolwyr y dyfodol. Mae'r hyn sy'n ofynnol gan ymddiriedolwyr wedi'i nodi yng nghanllawiau'r Comisiwn Elusennau. *

Mae gan Fwrdd y Ganolfan Gadeirydd, a'r cyfrifoldeb ganddo i arwain y Bwrdd, yn ychwanegol at ei rôl fel Ymddiriedolwr.

Angen ymroddiad

Mae ymddiriedolwyr yn gweithredu ar sail unigol ac ar y cyd fel aelodau o Fwrdd yr Ymddiriedolwyr. Mae swydd ymddiriedolwr yn ddi-dâl ond mae hawl gan bob ymddiriedolwr i hawlio'u costau teithio a threuliau eraill yn ôl.

Bydd angen i ymddiriedolwyr baratoi ar gyfer cyfarfodydd y bwrdd a'u mynychu (fel arfer bedair gwaith y flwyddyn, dau ohonynt yn cael eu cynnal ar y safle yn y Ganolfan) yn ogystal â phresenoldeb (dewisol) mewn digwyddiadau achlysurol fel Cynhadledd yr Aelodau, y digwyddiad Gwobrwyo Graddedigion, neu gyfarfodydd yn ymwneud â chyllid a digwyddiadau codi arian. Caiff y rhain eu cynnal gan fwyaf yng Nghanolfan y Dechnoleg Amgen, ond gallent fod mewn lleoliadau eraill.

Mae disgwyl i ymddiriedolwyr y Ganolfan hefyd wasanaethu ar un o ddau bwylllog sefydlog y ganolfan: y Pwyllgor Archwilio, Cyllid a Pherfformiad (AFPC) neu Bwyllgor Datblygu'r Sefydliad (ODC), gweithgorau neu grwpiau gorchwyl a gorffen a/ neu gynnig eu harbenigedd penodol i sicrhau bod yr elusen yn cael ei rheoli'n dda, bod ganddi'r polisïau priodol yn eu lle a'i bod yn cydymffurfio'n gyfreithiol ac yn ariannol. Mae'n pwyllgorau'n gweithio o bell gan fwyaf, gan ddefnyddio cyfarfodydd rhithiol ar-lein.

Disgwylir i'r ymrwymiad o ran amser fod oddeutu 12 i 15 diwrnod y flwyddyn.

* Yr ymddiriedolwr hanfodol



Sgiliau a phrofiad

- Brwdfrydedd ac ymroddiad amlwg i fod yn lladmerydd dros gynaliadwyedd ymarferol
- Parodrwydd a hyblygrwydd i neilltuo'r amser angenrheidiol ar gyfer y rôl
- Deall a derbyn dyletswyddau, cyfrifoldebau ac atebolrwydd cyfreithiol bod yn ymddiriedolwr
- Gallu gweithio'n effeithiol fel aelod o dîm
- Gonestrwydd
- Gallu meddwl yn strategol
- Crebwyll annibynnol, da
- Parodrwydd i ddweud ei ddweud

Cyfrifoldebau penodol

Mae'r rhain er mwyn:

- Sicrhau bod y Ganolfan yn cydymffurfio â'i Memorandwm a'i Herthyglau Cymdeithasu, cyfraith elusennau, cyfraith cwmnïau ac unrhyw ddeddfwriaeth neu reoliadau perthnasol eraill
- Sicrhau bod y Ganolfan yn mynd ar drywydd ei hamcanion elusennol fel y'u diffiniwyd yn ei dogfennau llywodraethu
- Sicrhau bod y Ganolfan yn defnyddio'i hadnoddau ar gyfer cyflawni ei hamcanion yn unig

- Cyfrannu'n weithredol at rôl y Bwrdd o ran rhoi cyfeiriad strategol effeithiol, gosod polisi cyffredinol, diffinio nodau, gosod targedau a gwerthuso perfformiad yn erbyn targedau y cytunwyd arnynt
- Diogelu enw da a gwerthoedd yr elusen
- Sicrhau rheolaeth effeithiol ac effeithlon yr elusen gyda a thrwy ei staff
- Ceisio sicrhau sefydlogrwydd ariannol yr elusen
- Gwarchod a rheoli'r asedau, gan gynnwys tir ac eiddo Canolfan y Dechnoleg Amgen a sicrhau buddsoddi arian yr elusen yn ddoeth
- Cefnogi a rhoi arweiniad i staff y Ganolfan, gan weithredu drwy linellau atebolrwydd y Prif Weithredwr a'r Uwch Dîm Rheoli
- Penodi'r Prif Weithredwr a monitro'i berfformiad
- Hyrwyddo'r Elusen a gweithredu fel lladmerydd brwdfrydig iddi

Mae'n ofynnol i bob ymddiriedolwr lofnodi a glynu wrth God Ymddygiad Ymddiriedolwyr Canolfan y Dechnoleg Amgen.